



# Rapport annual 2023

## GIUVNETETGNA CADI

Igl onn 2023 ei vargaus sco da sgular, la lavur ensemen cun e per giuvenils e giuvenas carschi ei e resta varionta, intressanta e dat adina novas sfidas. Globalmein muossan statisticas che nossas giuvenas generaziuns han da cumbatter dapli cun temas, malsegirtads e malsesentirs dalla psica. En Svizra dat ei per affons e giuvenils memia pauc plaz da terapia, el cantun Grischun vegn baghegiu ina nova clinica specialisada per affons e giuvenils. Per quels affons e giuvenils che drovan special agid e terapias per rinforzar la psica duess ei dar el futur dapli plaz da terapia. Da miu manegiar ei actualmein tonpli la lavur da giuvenetegna aviarta impurtonta. Giuvenils che han interess astgan vegnir nunligiontamein per separticipar a nossas sentupadas ni a nos projects. Duront quellaz occurrenzaz sai jeu prender si contact culs giuvenils e beinenqualga sedat ei la pusseivladad da discuors da prevenziun. Cun quei rapport dun jeu a vus ina survesta da nossas activitads duront igl onn 2023.

La lavur aviarta GIUVNETETGNA CADI ha purschiu igl onn 2023 als giuvenils e giuvenas carschi dallas vischnaucas Tujetsch, Mustér, Medel, Sumvitg e Trun ils suandonts survetschs.

### Locals da sentupada

Ils differents locals san vegnir affitai a sempla moda. Ina persuna maiorenta (per scolars\*as in genitur) sto suttascriber la cunvegna e surprender la responsabladad. Ils giuvenils han da setener vid las reglas e lu impedescha nuot lur giavisch da saver sentupar per fiastas privatas en in ni l'auter local.

Igl onn 2023 han giu liug a Sedrun 10 fiastas privatas, a Mustér 13 fiastas privatas, a Surrein 5 fiastas privatas.

Igl onn 2023 han ils giuvenils giu la pusseivladad da far il cuors da menaders\*as ch'ei vegnius daus dil meinapost per fatgs da giuvenetegna dalla Baseligia cantunala catolica Grischuna, Eric Petrini e dil meinapost per fatgs da giuvenetegna dalla Baseligia reformada evangelica Claudio Eugster. Tschun giuvenils han survegniu il certificat ed han aschia saviu surprender il survetsch da survigilar mintgamai en dus ils differents locals da sentupada.

### Local Talina a Sedrun, avertura il venderdis sera

30 tochen 40 giuvenils visetan il venderdis sera la Talina. Igl onn 2023 havein nus giu pli stregn d'anflar menaders\*as per far la survigilanza. Tochen sin l'entschatta da scola eis ei denton reussiu da recrutar avunda menaders\*as per saver porscher l'avertura sco usitau. La vischnaunca da Tujetsch ha lubiu il december 2023 la renovaziun totala dalla Talina. Il fevrer 2024 vegn entschiet cun quella. Ils visitaders\*as dalla Talina segidan da scarpas giu e rumiar tut il vegl material. Tenor il sistem da participaziun astgan era las gruppas da lavur cussegliar e per part decider co la Talina vegn endrizzada e colurada da niev.


### Local Cons a Mustér, avertura il venderdis sera

Il local Cons vegn buc visitaus aschi stedi il venderdis sera demai che biars visitaders\*as prefereschon dad ir ella Talina. Igl uost 2023 han treis novs menaders entschiet lur pensum da survigilanza.

### Local Pistregn a Surrein avertura il venderdis sera

Igl onn 2023 ei curdau si en special che la gruppa actuala che viseta il venderdis il local Pistregn ei fetg harmonica. Ils giuvenils ein cuntents da paterlar, dar tschutti, dar bigliard e

saltar. Els segidan exemplaric culs menaders\*as da schubergiar e far uorden. Pertuccont tgei musica emitter dat ei buc grondas discussiuns, Il/la DJ ha in bien sentiment pils gusts dils visitaders\*as ed el/ella lai ir musica varionta, aschia che negin gust da musica vegn alla cuorta. Il diember da visitaders\*as ei restaus constants. La cumissiun dalla lavur da giuventetgna Cadi ha dau suatientscha ad ina damonda da geniturs dad augmentar la ruta dil taxi tochen a Schlans. Il fidau manischunz Eugen Demont ha bugen fatg quei aschia che nus savein transportar a casa era ils giuvenils da Schlans.



02-06-23 Nies grillader pils giuvenils dil local Pistregn a Surrein

## Projects

Ils projects che GIUVNETETGNA CADI porscha duront il temps liber promovon las cumpetenzas socialas dils giuvenils. Las purschidas ston denton corrispunder agl interess dils giuvenils, dar peisa alla prevenziun, esser informativs ed era far plascher allas participontas ed als participonts.



21-01-23 Patinar a Mustér





*27-05-23 In di culs pumpiers a Sedrun*



*24-09-2023 Go-Kart a Bonaduz*



*16-12-2023 Finiziun dil cuors da menaders\*as*

## Halla aviarta

Pigl onn 2023/24 havein nus midau il turnus d'avertura dalla «Halla aviarta». Nus havein purschii igl onn 2023 quater sentupadas durant il november e l'entschatta digl onn 2024 siat sentupadas en halla a Rabius. Ils menaders\*as ed ils vistaders\*as preferessan dad ir ella halla a Trun demai che quella ei pli gronda. Deplorablamein dat ei leu buc avunda termins libers. Nos menaders\*as survigileschan quellas sentupadas e motiveschan ils giuvenils da semuentar. Igl uffeci da sanadad dil cantun Grischun sustegn quei project finanziamein e cun proscher cuors da formaziun.

## Audienza

Durant l'audienza sedattan spontanmein buns discuors cun ina gruppa da giuvenils ni cun singuls giuvenils. Quei ei per mei ina buna caschun da saver tedlar tgei che fatschenta il mument ils giuvenils. Els gaudan denton era da vegnir a Sedrun ella tgèsa communal ni a Mustér el local Cons perquei ch'els san ch'ils collegs e las collegas ein dalla partida.

## Participaziun d'affons e giuvenils ellas vischnauncas dil Grischun

Igl onn 2023 ei vegniu serrau giu il project che jugend.gr ha iniziàu. Il project ei vegnius tgiraus dall'Unicef ed ei vegnius accumpignaus da GIUVNETETGNA CADI durant varga treis onns. La fundaziun «Mercator Schweiz» ha finanziàu quei project.

Las mesiras che las vischnauncas han priu ein vegnidadas publicadas, denter auter, francar la lavur d'affons e giuventetgna el pensum dils gerai/geraus. Ils/las commembers/as dalla lavur da giuventetgna ha elaborau in carnet da pensums per ils/las delegai/delegadas ella cumissiun dalla lavur da giuventetgna.

Las meinaproject emploiadas tier jugend.gr, Chantal Bleiker e Flurina Spreiter han fatg retschercas e luvratoris culs responsabels dalle vischnauncas, en scolas e tier la giuventetgna. Medemamein han ellas organisau e menau atras luvratoris cun la cumissiun da GIUVNETETGNA CADI.

## Contact cullas scolas

La collaboraziun cun las scolas dil scalem superiur ei per nus fetg impurtanta. Per restar en bien contact e per saver schar publicar en scola nossas occurrenzhas han las treis scolas superiuras da nies intschéss elegiu ina persuna d'instrucziun dil scalem superiur ch'ei la persuna da contact per mei. GIUVNETETGNA CADI viseta all'entschatta digl onn da scola l'emprema superiura e presenta sias purschidas, las reglas, las structuradas e la finanziaziun dil post. Fetg positiv ei che GIUVNETETGNA CADI vegn envidada alla sera da geniturs per saver presentar cuort las purschidas e las reglas. Igl onn 2023 hai jeu visitau en tuttas vischnauncas l'emprema superiura e sun stada presenta alla sera da geniturs.

## Colligiazion e formaziun

Sco menadra dil post da lavur da giuventetgna aviarta, GIUVNETETGNA CADI sun jeu separticipada e s'engaschada allas suandontas sentupadas dil fatg per purtar en la vesta dalla regiun Cadi, per stender la reit ni per sescolar vinavon.

30-03-23 «**Teenager verstehen**» Firms geniturs, firms affons a Mustér

07-06-23 «**Die Vaterrolle finden**» **Geschlechterrollen im Umbruch**», Adebar a Cuera

01-09-23 «**Trans sein in Graubünden**» Aidshilfe Graubünden a Cuera

20-09-23 «**Leitfaden zur Entwicklung kommunaler Kinder-und Jugendpolitik** »  
(formaziun online)

26-09-23 «**Austausch und Vernetzung mit Vorstand und Fachstellenleiter jugend.gr**» a Cuera

26-10-23 «**Conferenza sociala**» a Glion

30-11-23 «**Fachinput: Modedroge Hustensirup, Jugendliche und Mischkonsum**» online

## Projects realisai

21-01-23 a Mustér: Patinar, hockey sin patinera, suenter preparar e magliar da cuminonza fondue ni pizza el center AUA VIVA

04/05-03-23 a Mustér: Introducziun dil cuors da menaders\*as

22-03-23, 24-05-24, 31-05-24 a Mustér: Cuors da pertgitar affons pigns

05-05-23 a Sedrun: Cussegliaziun pertuccont sanadad sexuala entras Aidshilfe Graubünden

06-05-23 Sedrun: Di dalla bun'ovra en collaboraziun cul Coop

10-05-23 a Mustér: Viseta e brat culs gimnasiasts dil gimnasi «Hohe Promenade» da Turitg. Lur scolast Daniel Monn vegn adina puspei cun ses students el local Cons. In motiv ei che ses scholars\*as san udir il lungatg romontsch.

26-05-23 a Surrein/Sumvitg: Cussegliaziun pertuccont sanadad sexuala entras Aidshilfe Graubünden

27-05-23 a Mustér ed a Sedrun: In di culs pumpiers Sursassiala.

03-06-23 a Mustér: «Pizza da finalizun», sentupada d'engraziament e rapport culs menaders\*as ed ils scholars\*as ch'ein mias persunas da contact dalla scola superiura

17-06-23 a Cuera: Dar il giug «Paintball»

24-09-23 a Bonaduz: Ir cun Go-Kart

04-11-23 a Mustér: Secunda part dil workshop culs pumpiers Sursassiala

08-11-23 a Trun ed a Rabius entschattda dalla purschida «Halla aviarta»

06-12-23 a Mustér: Sera publica a caschun dils «Dis d'acziun encunter violenza a casa» internaziunals, naziunals e cantunals. Referents: Gieri Duff menader dil survetsch social regional Surselva e Lea Simeon psicoterapeuta dalla PDGR/KJP partiziuon psichiatria d'affons e giuvenils Surselva

26-12-23 a Mustér: Menadras meinan la bar a caschun dalla «Disco» organisada dil plevon reformau

## Cumissiuon 2023:

Christoph Zingg, meinafatschenta dalla fundaziun «Tür auf-mo vinavon»

Daniel Schmid, president dalla cumissiuon, delegau dalla vischnaunca Tujetsch

Claudio Simonet, delegau dalla vischnaunca Medel

Jris Lombris, delegada dalla vischnaunca Mustér

Gion Huonder, delegau dalla vischnaunca Sumvitg

Kurt Wolf, delegau dalla vischnaunca Trun

Senza il sustegn finanziel dallas vischnauncas, dalla Baselia cantunala catolica grischuna e dalla Baselia evangelica reformada savessan nus buca porscher quellas activitads a nos giuvenils. In sincer «engraziel fetg» a vus che possibiliteis quella lavur per e cun nos giuvenils e giuvens carschi da nossa regiun.

Per GIUVNETETGNA CADI

menadra dil post da lavur da giuventetgna: Gabriela Cabalzar-Lombriser